

UMA PIDO KUTS KUNNAKUURÕ PIDOLÕ LAULMA!

IV võrokeeline laulupido Uma Pido tulõ 28. mail 2016 Põlvan Indsikurmun. **Ka seokõrd saava' pidolõ ütiskuurõ jakko püüne pääle laulma tulla' kunnakoori', miä pantas kokko –perre-, sõprus- ja muiõst kogokundõst.**

Kuis sõs kunnakooriga pidolõ saia? Tuus **tulõ kokko aia punt lauluhimoliisi inemiisi, kiä pidävä viisi** (noodi perrä laulmisõ mõistminõ ei olõ tähtsä), **löödä hindäle noodimõistja „pääkunn“ ehk dirigent ja panda uma kuur kirja** Internetin lingil <https://goo.gl/wr1AV9> Kuurõ kirjapandminõ käü kooni **31. detsembrini 2015.**

Päält koori kirjapandmist saa kunnakuur kätte lauluvihu'. Pido noodivihk lauljalõ mass 5 eurot. Kunnakoori dirigendile ehk pääkunnalõ om noodivihk massulda. Pääkunna abiga opp kunnakuur är Uma Pido ütiskuurõ laulu' üte helü pääl (ja ku võimõ' lupassõ, ka mitmõ helü pääl) laulmisõs. Jaanuarin 2016 tetäs pääkunnõlõ ka üts päästoppus, kon kogõnu kunnakooriga Otsari Silja ja Hirsoni Eda andva' pääkunnõlõ nõvvo, kuis kunnakooriga laulu' kõgõ parõmbahe vällä tulõssi. Aprilli- vai maikuun inne pito om tulõman ka kõigi kunnakuurõ kuundpruuv.

Kunnakooriga Umalõ Pidolõ tulõkis om mitu hääd põhjust: Uma Pido laulu omma' väega ilosa'; kodokandi keelen laulda om hää ja kuun mitmõ tuhandõ inemisega laulupidol laulda' om uhkõ tunnõ!

Kirjapandmisõ ja lauluvihke kättesaamise asjun saa helistä projektijuht Triinu Ojarile 53322153 vai timä abilõ Ena Drenkhanile 5291431. Laulõ opmisõ man andva nõvvo Silja Otsar 5156900 ja Eda Hirson 5225469.

Rõõmu laulust ja ilosat pidotiid!

16. novvembril 2015,
Triinu Ojar
Uma Pido projektijuht
Tel 53322153, triinu.ojar@wi.ee
www.umapido.ee